



شخت جلیلم اسلامیک جریدہ رسمیه پیدر

رجب الفرد ۱۳۳۴ [*]

عدو: ۶۵

آیدہ بر نشر اول نور

اوپر خجی سنہ

مقدما صفرندن ناشی حصه ارثیه سی توقیف ایدیلن بر یتیمک مؤخرأ بلوغیه دیگر میراثدن
حصه سنک کندیسنه اعطاسی حقنده [*]

متوفی موسانک ترکه سنک حین تحریرنده اوغلی یحیانک کبیر اولدینی آکلاشلدیغندن
مذکور ترکه ده کی حصه سنک کندیسنه اعطاسی لزومک مجلس تدقیقات شرعیه افاده سیله
اشعارینه مبادرت قلندی .



تبلغات عمومی

۳۱۳/۴ تولدی مأمورین معاشاتی حقنده

اوچوز اون اوچ و اوچوز اون درت تولدی خدمت مقصوره اربانک مأموریندن
اولان قسمک معاشاری سن مکلفیت داخلنده خدمت مقصوره یه تابع مأمورین معاشاتی
مثلاً تسویه اولنه جفی و خدمت غیر مقصوره اصحابنک دخی منزل عدی لازم کله جکی
۹ مارت سنه ۳۳۲ تاریخی شورای دولت قراری اقتضاسندن بولندینی مالیه نظارتی
وکالت جلیله سندن باتذکره ازار ایدلمسی اوزرینه کیفیت تعمیماً قضاة کرامه اشعار ایدلمش
اولغله اکا کوره ایجابنک ایفا و نسخ ملفوفه نک ملحقات قضائیه اسراسنه همت اولنسی
سیاقنده شقه محبی ترقیم قلندی .

۱۳ رجب سنه ۱۳۳۴ و ۳ مایس سنه ۱۳۳۲



[*] بو بابده اذینه قضاسی قاضیلکندن ۲۲ جمادی الاخره سنه ۳۳۴ تاریخی تحریرات صورتیدو:
والده سی زلیخانک حین وفاتنده صفرندن طولایی حصه ارثیه سنه اصابت ایدن مبلغ لاجل
الارباح ایتم صندوقه آلتقی و بوکره وفات ایدن پدری موسانک ترکه سی دیگر ایتمی بولندیغندن
موجب تحریر بولنمش ایسه ده کندیسی اون بش یاشنی اکمال ایلایکندن ایتم نظامنامه سنک
ایکنجی ماده سی موجبجه کبیر عد اولنه رق پدرندن اولان حصه ارثیه سنک طرفنه تسلیمنی متوفای
مرقوم موسانک اوغلی یحیی طلب ایلمکده ایسه ده نظامنامه مذکورک الی طقوزنجی ماده سی
موجبجه یکریمی یاشنی اکمال ورشدی شرعاً ثابت اولدقجه پدرینک ترکه سندن اولان حصه
ارثیه سنک کبیر عدیه کندیسنه تسلیم ایدیلوب ایدلیه جکنک استیذاننی باینده .

مأمورین حقننده کی تحقیقات ابتدائیه ده تحلیف اصولنک تطبیق و فذلکه لر ایله مضبطه لرك
تنظیمنده معاملاتنک احکام قانونیه به توفیقی ایجاب ایده جکی حقننده

وظیفه مأموریتلرندن منبعث جرملرندن طولای مأمورین حقننده اجرا اولنان تحقیقات
ابتدائیه ده تحقیق مأمورلرنجه افاده لرینه مراجعت اولنان شهودنک تحلیفی جهتیه کیدلمدیکی
وبو افادات غیر محلفه اوزرینه مجالس اداره جه لزوم ویا منع محاکمه قرارلری اتخاذ
اولندینی تدقیقات واقعدهن آکلاشلدیغندن و حالبوکه نوعما مستنطق صفت و ماهیتنی
حائز اولان تحقیق مأمورلری طرفندن استماع اولنه جق شهودنک تحلیفی مقتضیات ضروریه
قانونیه دن عد اولنق لازم کلیر ایسه ده بو خصوصده صراحت قانونیه اولمایوب مسئله محتاج
تفسیر بولندیغندن بمحله اقتضاسنک تعیین وانباسی حقننده قونیه ولایتدن وارد اولان
تحریرات شورای دولته لدی الحواله مأمورین محاکماتی قانوننک ایکنجی ماده سنده تحقیقات
ابتدائیه نک اصول محاکمات جزائیه قانوننه توفیقاً اجرا ایدیه جکی و آلتنجی ماده سنده معاملات
تحقیقه ده واتخاذ مقررانده اشبو قانونده مصرح اولیان خصوصانده اصول محاکمات جزائیه
قانونی احکامنه توفیق حرکت اولنه جنی محرر بولمنسه بناءً قانون مذکور موجبجه تحقیقات
استنطاقیه ده اجرایی مقتضی اولان تحلیف اصولنک مأمورین حقننده کی تحقیقات ابتدائیه ده
تطبیقی لازم کله جکنک و مأمورین حقننده اجرا اولنان تحقیقات ابتدائیه اوراقی ایله تنظیم
ایدیلن فذلکه لرك و مجالس اداره جه اتخاذ قلنان مقرراتی حاوی مضبطه لرك کیفیت تنظیمنده
مأمورین محاکماتی قانوننه وبونده صراحت بولنیان خصوصانده اصول محاکمات جزائیه
قانوننه توفیق معامله اولنق لازم کلیر ایکن بعضاً اشبو لازمه قانونیه به رعایت ایدلمدیکی
کورلمکده اولدیغندن خصوصات مذکورده ده دخی احکام قانونیه دائره سنده معامله ایفاسی
ایجاب ایده جکنک ملکیه و معارف دائره سندن افاده اولندینی باتذکره سامیه ازبار ایدلمسی
اوزرینه کیفیت تممیا قضاة کرامه اشعار و ملحقات قضائیه اسرا اولنق اوزره اشبو
تحریراتنک نسخ کافیه سی مطویاً تسیار قلندیغنی بیانیله شقه محبی ترقیم اولندی .

۷ رمضان سنه ۱۳۳۴ و ۲۵ حزیران سنه ۱۳۳۲

★
★ ★

زینت آلتونلرینه توحید مسکوکات قانوننک عدم شمولی حقننده

ترکات میاننده ظهور ایدن وربعیه، یکر میلک، سکسانلک و سائره تعبیر اولنان زینت
آلتونلری حقننده توحید مسکوکات قانوننده صراحت کوریه مدیکندن وبونلرك قیمت

حقیقه لری ده معلوم اولمادیغدن نه بولده معامله ایفاسی لازم کله جکنه دائر ازینه قضاسی قاضیلکندن واقع اولان استفسار اوزرینه سبق ایدن اشعاره جواباً مالیه نظارتی وکالت جلیله سندن وارد اولان تذکره ده زینت آلتونلری مسکوکات متداوله دن اولمادیغدن توحید مسکوکات قانوننده مسکوت بر اقلیمی طبیعی بولمغله بونلر حقنده آیریجه بر معامله ایفاسنه لزوم اولمادینی بیان ایدلمش و اومثالو آلتونلرک بالمزاید صاتلمسی اقتضا ایده جکنک سالف الذکر قاضیلکه جواباً وقانون مذکورک بوکی آلتونلره شمولی اولمادیغک قضاة کرامه تعمیماً اشعاری مجلس تدقیقات شرعیه دن افاده ایدیلهرک ایجابی اجرا قلمش اولمغله طرف فاضلانهرلرندن دخی آکا کوره اقتضاسنک ایفا ونسخ ملفوفه نک ملحقات قضاتنه اسراسنه همت اولنمی سیاقنده شقه محبی ترقیم قلندی .

۱۰ شوال سنه ۱۳۳۴ و ۲۷ تموز سنه ۱۳۳۲

★ ★

فسخ نکاح اعلاماتنک رأساً تابع تمیز اولدینی حقنده

زوج غائب اوله رق زوجه نفقه سنک تحصیل متعذر اولدینی صورتده زوجه نک طلیله فسخ نکاحه دائر صادر اولان اعلامات شرعیه رأساً تابع تمیز اولدینی حالده بعض محاکمه تردد ایدلمکده اولدینی استخبار ایدلایکندن اولباده کی اعلاماتنک لاجل التدقیق فتواخانه عالییه تسیاری لزومنک تعمیماً قضاة کرامه اشعاری مجلس تدقیقات شرعیه دن افاده ایدیلهرک ایجابی اجرا قلمش اولمغله طرف فاضلانهرلرندن دخی آکا کوره معامله ایفاسیله نسخ ملفوفه نک ملحقات قضاتنه اسراسنه همت اولنمی سیاقنده شقه محبی ترقیم قلندی .

۱۹ شوال سنه ۱۳۳۴ و ۶ اغستوس سنه ۱۳۳۲

★ ★

اذننامه آلتی ایچون هیأت اختیاریه دن ویریلن علم و خبرلرک زیرینه بلدییه اطباسی طرفندن یازیله جق راپورلرک رسم تمقادن استثنالری حقنده

علی الاصول اذننامه استحصالی ضمنتده هیأت اختیاریه دن ویریلن علم و خبرلر زیرینه تأهل ایده جک قادین وارککلرک امراض ساریه وبالخاصه فرنکی خسته لغندن مصونیتلری حقنده مجلس عمومی لوا قرارینه توفیقاً بلدییه اطباسی طرفندن رسماً یازیلان راپورلرک تمغا رسمندن معاف اولوب اولمادیغنه دائر قلعه سلطانیه قاضیلکندن وارد اولان تحریرات

اوزرینه سبق ایدن اشعاره جواباً مالیه نظارتی وکالت جلیله سندن وارد اولان تذکره ده مجلس عمومی لواجه متخذ قرار موجبجه تأهل ایتک اوزره اذنامه استحصال ایدم جک ارکک وقادینلر ایچون هیأت اختیاریه دن ویریلن علم وخبرلر زیرینه امراض ساریه دن مصون اولوب اولمادقلرینه دائر بلدییه اطباسی طرفدن یازیله جق راپورلرک منافع عمومیه یه متعلق اولمغله برابر دوائر رسمیه جه کوستریلن لزوم اوزرینه تنظیم اولملرینه نظراً رسم تمفادن استثنای مقتضی کورندیکی بیان ایدیلرک کیفیت مجلس تدقیقات شرعیه افاده سیله تعمیماً قضاة کرامه اشعار وملحقات قضاتنه اسرا اولمق اوزره اشبو تحریراتک نسخ کافیه سی مطویاً تسیار قلندینی بیانیه شقه محی ترقیم اولندی .

۱۹ شوال سنه ۱۳۳۴ و ۶ اغستوس سنه ۱۳۳۲

اوقاف نظارت جلیله سی تبلیغات عمومی سی

اوقاف ملحقه تولیتلری توجیهاتنده موجه لهره برات اعطاسنه قدر اموروقفک متولیلره تسلیحی ایجاب ایتیه جکنه وحصه لی تولیتلرک انحلالنده اوقاف اداره لریله مشترکاً اداره سی مقتضی بولندیغنه و تفصیلات سائریه دائر

عتیق توجیه جهات نظامنامه سنک زمان مرعیتنده تولیته عائد اوراق توجیهیه سی کوندرلش اولان ویا تاریخ انحلالی سببیه اکا توفیقاً مضبطه و متفرعاتی تنظیم و تسیار اولنان وقفلرک مرجه لهره دور و تسلیحی نظامنامه جدیده مغایر اولیه جنی و وقفیه سی موجود و شروط واقفی معلوم اولنلرک تسلیمنده ده بر کونه محذور بولمندیغی جهته بونلرک اوصورتله دور و تسلیحینه مساعدده اعطاسی و نظامنامه جدیده توفیقاً توجیه اولنه جق تولیتلرک براتلری ورود ایدنجهیه قدر موقتاً مضبوط شکلنده اداره سی مقتضی کورلمکده ایسه ده اوراقلک تنظیم و تقدیمندن سوکره متولیلرک اوزون مدت انتظارلری شکایات محقهیه سببیت ویره جکندن بوباید برتدیر اتخاذا ویا خود برات عالینک ورودینی برمدتله تحدید ایدرک مدت معینه ظرفنده ورود ایتدیکی تقدیرده وقفک موجه لهره دوری مطالعه قلندینی بیانیه استفساری متضمن موصل اوقاف مدیریتندن و بعض اوقافک ایکی ویا اوچ متولیس اولوب بونلردن برینک وفاتی حالنده وقفک تمامه می یوقسه وفات ایدن شخصک حصه سنه می وضع ید ایدیه جکی حقنده نظامنامه ده صراحت اولیوب کرچه بوکی